



74
6643
11



74
6643
11



欽定戶部則例卷十九

漕運一

徵收漕糧

禁革陋規

永禁蘇松等屬大小戶口明目

裁減浮收

漕糧正額

改徵折色

隨漕徵耗

同治十三年校刊

戶部則例卷十九

漕運

目錄

<99-1208>

隨徵貼費

輕齎帶解

監兌漕糧

派兌輪兌

奉天米豆

欽定戶部則例卷十九

漕運一

徵收漕糧

一徵收漕糧工部鑄造小口鐵斛存戶部一張
 發交倉場漕運總督及有漕各省糧道各一
 張永遠遵用其各府州縣收漕斛口該管官
 員每季較掣如有參差互異浮收病民卽行
 查叅

一州縣開倉時僉派收糧書吏擇老成殷實者

承充該州縣仍親身至倉查看倘因公他出
卽暫委本州縣佐貳官輪流監察如書役有
包攬浮收等弊監收官卽揭報懲處扶同隱
匿一併叅究

一收漕之時各督撫嚴行飭令各州縣收納漕
糧務須乾圓潔淨不得濫收細碎潮濕之米
仍嚴密訪查如本屬好米承辦官吏藉端勒
捐者叅處治罪

一各省徵收漕糧米色顆粒務須一律乾圓潔
淨不准紅白兼收儻實在水旱歉收之年米
色不能一例圓潔者該督撫預行題明請
旨辦理

一浙江省各州縣交納漕糧按照區圖編立次
第派厥收納每年秋收時先期曉諭於十月
內開倉依限交收
一州縣徵收漕米截數之後將欠戶姓名遍貼
曉諭如有包戶蠹役以完作欠許該花戶指
控嚴究其收漕在鄉倉者先行示期計日按

戶部則例卷十九
二
鄉分收在城倉者將開倉日期及早示諭收
米時每日將遠鄉窮民零星米石先行量收
次及近倉各戶不得刁難勒措致花戶守候
其有包攬匪徒恃強把持者仍隨時嚴拏究
辦

禁革陋規

同治四年十月初九日欽奉

上諭馬新貽奏覈減漕南浮收禁革陋規以肅漕政
一摺浙省正漕前經降旨分成覈減並准部議以
漕項運費皆所以軫恤民艱茲據馬新貽奏稱請
將額外浮收痛加裁汰覈實酌留耗餘辦公以蘇
民困計杭州府屬共可減浮收米陸萬肆千陸百
餘石嘉興府屬共可減浮收米貳拾捌萬伍千叁
百餘石湖州府屬共可減浮收米拾叁萬陸千捌

百餘石杭嘉湖三府南米共可減浮收折色錢貳拾肆萬柒千餘串從前一切陋規概行裁汰各等語卽著照所請將留裁各款目造冊存案並著該撫等明白曉示勒石永禁漕糧概完本色其有情願完折者按照市價收納悉聽民便至杭屬之新城於潛昌化等縣漕糧向收折色官爲辦運仍著照舊辦理按照市價徵收儻有不肖州縣仍敢蹈從前勒折浮收陋習卽著該督撫嚴叅治罪至所稱浙省大戶完漕並不加耗甚至把持包攬等弊

經此次改定新章之後紳民一律徵收不准有大小戶名目再分軒輊儻有紳士等恃勢把持仍前包攬短交著一併從嚴叅辦餘著照所議辦理欽

此

永禁蘇松等屬大小戶名目

同治四年十二月二十六日軍機大臣奉

上諭李鴻章劉郁膏奏查明蘇松等屬裁除浮收實
 數並請旨永禁大小戶名目等弊一摺前因江蘇
 蘇松常鎮太等府州屬額賦太重經該省督撫等
 奏請裁減按照全額計減去制錢肆拾萬餘千當
 經降旨允行朝廷加恩閭閻實足以蘇民困惟江
 蘇積習已久各州縣徵收漕糧之時每有大戶藉
 詞抗欠任意短交致各州縣有所藉口而裁減之

同治十三年校刊

戶部則例卷十九

漕運

五

惠徒以供不肖官紳之腹削而無益於民嗣後江蘇各州縣開徵漕折不准復立大小戶名目其包漕索規等弊著一併永遠禁革如有京外職官舉貢生監仍藉大戶爲名與各州縣爲難營私抗玩卽著該省督撫奏請禡革從嚴懲辦該督撫務當督飭各屬秉公徵收不准於例定折價之外稍有浮冒抑勒違則從嚴察辦此旨卽著李鴻章等勒石遵行並出示曉諭俾紳民咸知感奮一律清餘著照所議辦理單併發另片奏前浙江孝豐縣

知縣趙廷彩應完趙貽德等戶銀米經長洲縣再四催追趙廷彩自居大戶挺身阻撓請革職押追等語江蘇漕務甫立新章該紳膽敢出身抗撓若不從嚴懲治何以肅漕政而儆刁風趙廷彩著先行革職交李鴻章等提案押追儻仍違玩不遵卽著按律懲辦毋稍寬縱欽此

裁減浮收

同治五年七月十七日奉

上諭前據李鴻章等奏查明蘇松等屬裁除浮收實
 數禁止大小戶名目當經降旨令該督等勒石遵
 行茲復據李鴻章等將減定徵漕餘耗折價各數
 查明具奏開單呈覽計蘇州府屬一廳九縣減定
 賦額應徵米伍拾伍萬玖百餘石共減去浮收米
 拾玖萬貳千捌百餘石減去浮收錢柒拾伍萬叁
 千伍百餘串松江府屬一廳七縣減定賦額應徵

同治十三年核刊

戶部則例卷一 漕運

米叁拾壹萬玖百餘石共減去浮收米拾萬捌千捌百餘石減去浮收錢伍拾萬伍千柒百餘串常州府屬八縣減定賦額應徵米叁拾貳萬叁百餘石共減去浮收米柒萬叁千石零減去浮收錢貳拾壹萬伍千貳百餘串太倉州併所屬三縣減定賦額應徵米拾壹萬伍百餘石太倉鎮洋二州縣共減去折價浮收錢玖萬肆千串零嘉定寶山二縣共減去折價浮收錢拾萬柒千陸百餘串以上蘇松常太四府州屬共減去浮收米叁拾柒萬肆

千陸百餘石減去浮收錢壹百陸拾柒萬陸千貳百餘串又蘇松常鎮太四府一州所屬各廳縣共額徵銀貳百拾伍萬兩零折收錢文除鎮江府屬未定外蘇松常太四府州屬共減去浮收錢肆拾萬餘串該署督等即將減去浮收實數欽遵勒石永遠奉行至鎮江府屬四縣減定賦額應徵米拾玖萬叁千貳百餘石共減去浮收數目若干著該署督等於啟徵時另行酌覈奏明辦理餘著照所議辦理該部知道單併發欽此

發

漕糧正額

同治四年十一月初五日內閣奉

上諭戶部奏遵議江蘇減免漕糧章程數目一摺江蘇蘇松常鎮太伍屬編徵米貳百貳萬餘石原係彙同漕贈行月南卹局糧等款壹串徵收自應如李鴻章等所奏無分起運留支一體並減至以科則之輕重地土之饒瘠爲減成之多寡辦理亦尙妥協加恩著照所請所有蘇州府屬額編米豆捌拾柒萬柒千伍百陸拾肆石零著減叁拾貳萬陸

千陸百參拾貳石零松江府額編米肆拾貳萬柒
千肆百陸拾壹石零酌減拾壹萬陸千伍百肆拾
肆石零太常州屬額編米豆拾伍萬參千肆百參
拾貳石零著減肆萬貳千捌百柒拾石零常州府
屬額編米參拾伍萬伍千玖百捌拾石零著減參
萬伍千伍百玖拾石零鎮江府額編米豆貳拾壹
萬肆千柒百參拾伍石零著減貳萬壹千肆百柒
拾參石零統計原額編徵米豆貳百貳萬玖千壹
百柒拾肆石零其減米豆伍拾肆萬參千壹百貳
拾陸石零仍應徵米豆壹百肆拾捌萬陸千肆拾
捌石零著自本年爲始照減定數日徵收其各屬
派減米豆數內尙有留爲沿海瘠區加減之數並
著照章分別覈派應減科則另行造報經此次派
減後該督撫等務當督飭所屬認真徵解不准再
有官墊民欠名目非實在旱潦爲災不准請蠲請
緩如有捏報災歉朦混呈報者卽著嚴叅懲辦其
把持浮收等弊並著永遠革除以裕民生而重賦
課該督撫卽刊刻謄黃徧行曉諭務使實惠均霑

戶部則例卷十九
毋任吏胥舞弊以副朝廷破格施恩至意另片奏
請將江蘇省實徵數目明定章程等語江蘇省各
屬浮收現在既經裁減著該督撫將各屬向辦徵
收情形除應行酌留外各計覈減浮收若干俟照
浙江章程勒為成規分晰奏報以免影射浮勒之
弊餘依議欽此

一徵收漕糧山東河南徵收粟米麥豆江南蘇
松糧道屬徵收粳米糯米江安糧道屬徵收
粳米稜米粟米

沐陽縣和
粟兼收

浙江徵收粳米秬

米糯米江西湖北湖南徵收稜米

一各省額徵漕糧運京倉者為正兌運通倉者
為改兌州縣原額漕糧荒缺遇有報墾陞科
按數撥補如無荒缺將陞科之糧解司充餉
今按道光貳拾伍
年額徵之數開載

一山東省額徵正兌正米壹拾叁萬叁千柒百
貳拾壹石陸斗貳升伍合玖勺正兌正麥玖
千玖百玖石玖斗玖升捌勺正兌正豆叁萬
壹千伍百陸拾玖石陸斗叁升伍合陸勺改

兌正米陸萬貳千壹百壹石叁斗伍升柒合
 捌勺改兌正麥玖千叁百玖拾石肆斗貳升
 叁合叁勺改兌正豆壹萬壹千捌百捌拾叁
 石陸斗捌合玖勺薊糧正兌正米貳萬壹千
 伍拾貳石改兌正米壹千捌百陸拾捌石貳
 升

一 河南省額徵正兌正米貳萬肆千肆百伍拾
 叁石捌斗肆升玖合陸勺正兌正麥貳萬肆
 千陸百伍拾貳石柒斗捌升柒合陸勺正兌

正豆陸萬伍千叁百伍拾石壹斗肆合柒勺
 改兌正米壹萬伍千貳百貳拾玖石壹斗貳
 升陸合陸勺改兌正麥壹萬貳千柒百陸拾
 陸石玖斗陸升貳合貳勺改兌正豆貳萬柒
 千壹百貳拾捌石玖斗伍合陸勺 山東河南
二省額徵
 黑豆俱係粟米改徵視京倉粟米黑豆何項
 不敷或應多徵黑豆或仍徵粟米戶部暨倉
 場侍郎隨時酌量 又薊糧正兌正米壹萬伍
 千捌百玖拾肆石叁斗捌升玖合改兌正米
 柒千玖拾玖石貳斗伍升貳合柒勺

同治十三年校刊

戶部則例卷十九

漕運

一江南江安糧道屬額徵正兌正米貳拾捌萬
 柒千柒百玖拾玖石肆升玖合捌勺改兌正
 米壹拾萬壹千伍拾伍石伍斗柒升伍合捌
 勺

一江南蘇松糧道屬除減去漕額外計應徵正
 兌正米柒拾叁萬陸千柒百叁拾餘石改兌
 正米陸萬捌千陸百陸拾餘石仍應徵白糧
 陸萬玖千貳拾伍石 原例額徵正兌正米壹
 百叁萬捌千玖百捌石
 伍斗捌升肆合陸勺改兌正米玖萬肆千肆
 百肆拾柒石玖斗叁合捌勺 白糧遇有荒
 缺於本州縣現徵南
 米內通融辦足起運

一浙江省除減漕額外應徵正兌正米肆拾壹
 萬貳千柒百伍拾柒石伍斗貳升肆合壹勺
 有閏之年計減少米 貳百肆拾柒石肆斗改兌漕糧與白糧均不
 議減仍應徵改兌正米貳萬玖千叁百陸拾
 伍石伍斗白糧正米貳萬玖千玖百柒拾伍
 石 舊例額徵正兌正米伍拾捌萬伍千貳百
 伍拾壹石陸斗柒升叁合叁勺 白糧遇
 有荒缺於本州縣現徵南米內通融
 辦足起運 同治四年奏明減定

一江西省額徵正兌正米叁拾伍萬玖百貳拾

壹石陸斗壹升柒合捌勺改兌正米拾伍萬
捌百捌拾陸石肆斗伍升陸合伍勺

一湖北省額徵正兌正米玖萬肆千壹百捌拾

柒石捌斗柒升貳合貳勺無改兌米

一湖南省額徵正兌正米玖萬伍千肆百捌拾

貳石陸斗肆升壹勺無改兌米

一奉天省額徵粟米壹萬伍千柒百陸拾叁石

玖斗柒合叁勺壹抄黑豆貳萬貳千玖百捌

拾肆石伍斗伍升貳合叁勺玖抄

改徵折色

一各省永折漕糧價銀山東省永折米柒萬石

不徵耗米內貳萬石濟南府壹萬貳千石兗州府叁千石東昌府伍千石每

石折徵銀陸錢又米伍萬石濟南府叁萬石兗州府伍千石

東昌府壹萬伍千石每石折徵銀捌錢 河南省永折

米柒萬石不徵耗米內貳萬石開封府貳千捌百壹拾叁石歸德府

肆百貳拾玖石彰德府肆千捌百貳拾壹石

捌斗衛輝府貳千玖百柒拾捌石壹斗懷慶府肆千貳百叁拾貳石壹斗河南府肆千肆百柒拾肆石貳斗汝州貳百伍拾壹石捌斗

每石折徵銀陸錢又米伍萬石開封府陸千玖百叁拾石

歸德府玖百柒拾壹石彰德府壹萬貳千壹百柒拾捌石貳斗衛輝府柒千陸百叁拾肆石玖斗懷慶府壹萬伍百陸拾柒石玖斗河南府壹萬壹千壹百陸拾玖石捌斗汝州伍百肆拾捌石貳斗

糧道所屬永折米柒萬伍千玖百陸拾壹石

叁斗壹升內江寧府米柒千貳百貳拾石每石

折徵銀陸錢又米貳萬伍千肆百柒拾壹石

每石折徵銀柒錢又鳳陽等府屬米肆萬叁千貳

百柒拾石叁斗壹升鳳陽府捌千伍百柒拾石叁斗壹升淮安府壹

萬肆千柒百石每石連折徵銀伍錢蘇松糧

揚州府貳萬石道所屬州永折米壹拾萬陸千肆百玖拾

貳石陸斗玖升捌合每石連折徵銀柒錢

湖北省永折米叁萬貳千伍百貳拾石陸斗

有奇內武昌府叁千陸百貳拾叁石柒斗柒

升漢陽府壹千貳百貳拾叁石肆斗肆

升肆合柒勺黃州府壹萬伍千捌百肆拾捌

石叁斗捌升安陸府叁千肆百玖拾伍石伍

升荆州府捌千每石連折徵銀柒錢

叁百叁拾石湖南省永折米伍千貳百壹拾貳石伍升伍

合貳勺有奇內衡州府壹千捌百壹拾玖石

玖斗伍合貳勺有奇岳州府壹

千捌百捌拾肆石伍斗伍升每石連折

永州府壹千伍百柒石陸斗肆斗折

同治壬午校刊

戶部則例卷十九

漕運

左

徵銀柒錢以上永折價銀統歸入地銀奏銷
案內一體報銷

一漕糧折徵之年該督撫按照各省定價臨時

題明辦理

山東河南二省粟米每石折徵銀捌錢江南浙江二省粳米每石折

徵銀壹兩粟米每石折徵銀柒錢伍分

隨漕應徵輕齋席木贈

截等款銀兩俱照數徵解地方官將應徵改

折米數價值款項刊示曉諭照數徵收如糧

戶有先期完納本色者准抵下年漕米仍於

下年應徵本色內照數扣徵折色

改折灰石米石江蘇省正兌正米壹萬玖千

柒百叁拾石叁斗加四耗米柒千捌百玖拾

貳石壹斗貳升改兌正米壹千叁百捌拾陸

石加三耗米肆百壹拾伍石捌斗 浙江省

正改兌米壹萬叁千叁百貳拾叁石柒斗加

四耗米伍千叁百貳拾玖石肆斗捌升俱每

石折銀壹兩貳錢遇閏加徵

一河南省每漕米壹石折徵銀捌錢以陸錢伍

分辦本色起運壹錢伍分作為節省解交糧

道離水次最遠之南陽汝甯二府屬縣并河南府屬之嵩縣永甯二縣及光汝二州并屬縣又陝州屬之靈寶閿鄉盧氏三縣額徵漕米每縣酌減貳千石每石照原編折徵銀捌錢之數解司其米數分撥於內黃濬滑儀封考成等五廳縣協辦仍以捌錢之例分別辦理於五廳縣地丁銀內按數扣除又永城鹿邑虞城夏邑柘城宜陽新安澠池淮甯西華商水項城沈邱臨潁襄城郟城陝州靈寶閿鄉等一十九州縣粟米改徵黑豆每石官收折色銀捌錢令安陽湯陰臨漳林縣武安涉縣內黃汲縣新鄉輝縣獲嘉淇縣延津滑縣濬縣河內濟源修武武陟孟縣温縣原武陽武封邱等二十四州縣在於所屬照數代徵黑豆起運按照每石捌錢之價於地丁解司銀內減除將永城等一十九州縣折徵銀兩抵補

一江蘇省清河桃源宿遷阜甯海州贛榆沐陽

同治十三年校刊

戶部則例卷十九

漕運

十一

嘉定寶山等九州縣並安徽省甯國旌德太平等三縣民折官辦漕糧兵米每年十月內按產地時價詳定漕糧照上米行糧月糧並甯旌太平三縣兵米均照中米借領司道庫儲銀兩分別購買起運其買米價銀及例銷牙用運腳合計每石需銀若干由各該撫出示交縣遍諭民戶於十一月內照數攤徵次年二月以前分解還欸如有浮開價腳並地萬官扶同捏飾等弊分別究叅

一安徽英山縣並江西瀘溪縣漕糧亦准民折官辦每年於開徵時司道確訪時價先動公項銀兩給發購買兌運將用過銀兩按米覈明出示遍諭里民照價輸納歸款

一浙江省於潛昌化富陽新城四縣零星小戶漕糧該縣每年按照十月時價詳明於易知單內分晰開列徵收折色官爲辦運

一湖北省通山當陽二縣民折官辦漕糧在於江夏嘉魚漢陽黃陂孝感雲夢應城七縣餘

贖漕耗米內撥運 此項米石原係易穀附儲常平之款 其通山

當陽二縣應徵漕糧每石折交銀壹兩肆錢

伍分永為定額解存司庫酌量市價買補歸

款

隨漕徵耗

一 各省漕糧俱按每石加收耗米以為京通各

倉並沿途折耗之用山東省正兌米每石加

耗貳斗伍升內以壹升柒合陸抄在水次給

丁其餘貳斗叁升貳合玖勺肆抄隨正起交

改兌米每石加耗壹斗柒升隨正起交 黑豆麥石

同 河南省正兌米每石加耗貳斗伍升者內

以壹升柒合陸抄在水次給丁其餘貳斗叁

升貳合玖勺肆抄隨正起交加耗貳斗捌升

同治三年校刊

三都司刊

漕運

者內以壹升柒合陸抄在水次給丁其餘貳
斗陸升貳合玖勺肆抄隨正起交改兌米每

石加耗壹斗柒升隨正起交黑豆麥江南省

蘇松糧道所屬之蘇州松江常州鎮江四府

並太倉州屬正兌米每石加耗肆斗除壹斗

伍升隨船作耗外貳斗伍升內以貳升柒合

陸抄在水次給丁其餘貳斗貳升貳合玖勺

肆抄隨正起交改兌米每石加耗叁斗除壹

斗叁升隨船作耗外壹斗柒升內以貳升柒

合陸抄在水次給丁其餘壹斗肆升貳合玖

勺肆抄隨正起交常州無江安糧道所屬之

江甯府每正兌米壹石加耗肆斗除壹斗伍

升隨船作耗外貳斗伍升內以貳升柒合陸

抄在水次給丁其餘貳斗貳升貳合玖勺肆

抄隨正起交每改兌米壹石加耗叁斗除壹

斗叁升隨船作耗外壹斗柒升內以貳升柒

合陸抄在水次給丁其餘壹斗肆升貳合玖

勺肆抄隨正起交淮安揚州二府通海二州

屬並徐州府屬之邳州宿遷睢寧等參州縣
每正兌米壹石加耗叁斗除伍升隨船作耗
外貳斗伍升內以貳升柒合陸抄在水次給
丁其餘貳斗貳升貳合玖勺肆抄隨正起交
改兌米壹石加耗貳斗伍升除捌升隨船作
耗外壹斗柒升內以貳升柒合陸抄在水次
給丁其餘壹斗肆升貳合玖勺肆抄隨正起
交睢甯縣無又徐州府屬之銅山豐沛蕭碭
山等五縣每正兌米壹石加耗貳斗伍升內
以貳升柒合陸抄在水次給丁其餘貳斗貳

升貳合玖勺肆抄隨正起交改兌米壹石加
耗貳斗貳升除伍升隨船作耗外壹斗柒升
內以貳升柒合陸抄在水次給丁其餘壹斗
肆升貳合玖勺肆抄隨正起交又江安糧道
所屬之安慶甯國池州太平廬州伍府並六
安州屬每正兌米壹石加耗肆斗內貳斗伍
升隨正起交壹斗伍升隨船作耗廬州府並
廣德州屬每改兌米壹石加耗叁斗內壹斗

柴升隨正起交壹斗叁升隨船作耗廣德州無正兌

米安慶池州太平甯國四府鳳陽潁州貳府並六安州均無改兌米石

並泗州屬每正兌米壹石加耗叁斗內貳斗

伍升隨正起交伍升隨船作耗改兌米壹石

加耗貳斗伍升內壹斗柴升隨正起交捌升

隨船作耗江西浙江二省正改兌米每石各

加耗肆斗內正兌米除壹斗伍升隨船作耗

外貳斗伍升內以貳升柴合陸抄在水次給

丁其餘貳斗貳升貳合玖勺肆抄隨正起交

改兌米以貳斗叁升隨船作耗壹斗柴升隨

正起交湖北湖南貳省正兌米每石加耗肆

斗除壹斗伍升隨船作耗外貳斗伍升內以

貳升柴合陸抄在水次給丁其餘貳斗貳升

貳合玖勺肆抄隨正起交湖北湖南貳省均無改兌米石

一白糧耗米江蘇省每正米壹石加耗叁斗又

正耗每石加春耗米貳斗此項米石向係旗丁與州縣各半支

給嘉慶五年奏浙江省每正米壹石加耗肆

准全數給丁斗伍升又正耗每石加春耗米叁斗此項米石向係

全給州縣嘉慶五年
奏准撥出陸升給丁

一各省津貼旗丁曬颺耗米

江蘇省正兌改兌
項下每石給丁貳

升柒合陸抄浙江江西湖廣等省正兌項下
每石給丁貳升柒合陸抄山東河南貳省正
兌項下每石給丁
壹升柒合陸抄
以折色給丁所給價銀
粳米每石按壹兩玖錢稔米每石按壹
兩柒錢粟米麥豆每石按壹兩肆錢

於定價即照時價發給兌漕完竣即行報部
核銷其收回耗米運通交納

於定價即照時價發給兌漕完竣即行報部

核銷其收回耗米運通交納

隨徵貼費

一各省漕糧隨漕徵收贈貼銀米

江南謂之漕
贈浙江謂之

漕截山東河南謂之潤
耗江西湖廣謂之貼運

以為運糧軍丁長途

輓運盤剝等項之用山東河南二省每米百

石徵銀伍兩米伍石江安糧道所屬每米百

石徵銀伍兩米伍石

嘉慶五年奏准由州縣
代為售變每石以壹兩

玖錢

折給蘇松糧道所屬每米百石徵銀壹拾兩

米伍石

嘉慶五年奏准由州縣代為
售變每石以壹兩玖錢折給

浙江省

每石徵銀叁錢肆分柒釐江西省每石徵銀

叁分米叁升 嘉慶五年奏准以十分計算內七分由州縣代為售變每石以壹兩玖錢折給其餘 又徵給副耗米壹斗叁叁分留為回空食用

升湖北湖南二省因向無贈貼銀米於肆耗之外加徵贈貼米貳斗

一各省漕糧徵收漕耗銀米給發官軍為兌漕

雜費辦公之用山東省每徵糧壹石收漕耗

米壹斗伍升 內津貼運軍運費銀叁分席片銀伍釐米伍升伍合又支給領

運隨幫官盤費銀陸釐其餘米石留為州縣幫補運米不敷脚價之用 河南省

每正糧壹石收漕耗米陽武封邱二縣壹斗

淇縣壹斗貳升溫縣壹斗肆升餘俱壹斗伍

升 內津貼運軍運費銀叁分席片銀伍釐米伍升伍合下剩米石再撥給旗丁壹半其

餘留為州縣兌漕雜費之用 江安糧道所屬每正糧壹石

收漕耗米壹斗 嘉慶五年奏准全數撥出給丁由州縣代為售變每石以

壹兩玖錢折給 蘇松糧道所屬每正糧壹石收銀陸

分折收錢肆拾陸文 嘉慶五年奏准全數撥出給丁 溧陽縣

漕糧因江淮衛三六兩幫兌運每石民貼湖

米叁升以為漕船赴次剝淺修船之用江西

省每正糧壹石津貼州縣腳耗叁分玖釐陸

毫米柴勺陸抄又協濟運軍銀壹分叁釐柴
 毫浙江省杭州嘉興湖州三府每正糧壹石
 收漕費錢捌文至貳拾壹文不等又杭州湖
 州二府屬仁和錢塘海甯富陽餘杭安吉歸
 安烏程長興德清武康等一十一州縣每正
 糧壹石加收錢貳拾文嘉興府屬嘉興秀水
 嘉善海鹽平湖石門桐鄉七縣每正糧壹石
 加收錢叁拾文以上浙江省各府州縣所收
 漕費錢文嘉慶五年奏准全
 數撥出湖北省每正糧壹石收漕耗米柒升
 給丁

漕費銀柒分湖南省每正糧壹石收漕耗米

陸升漕費銀自伍分至壹錢叁分不等為兌
 漕雜

費辦公
 之用

一各省漕糧如遇截留之年漕耗銀米照數徵

收分別支解安徽江蘇二省以一半給州縣
 為倉廩鋪墊之用其給丁一半

耗米費錢如截留在未經兌運之前照數
 提解充公若已兌上船按程分別給丁如

折徵之年亦照舊徵收以資辦公安徽省每
 正糧壹石

只收飯銀壹分錢貳文江蘇省每徵糧壹石
 收費銀壹分費錢自叁拾文至肆拾文不等
 餘概免徵行月米石統徵耗米費錢一半存
 留州縣為修倉鋪墊其上江一半耗米變價

同治十三年校刊

戶部則例卷五 漕運

三五

充公下江一半
費錢留充公用

一江南州縣運交漕糧凡離省寫遠輓運維艱者徵收水腳為轉運雇募舟車之費安徽省

定遠縣加收水腳錢壹百文其餘各屬

潯山太湖

宿松涇縣青陽合肥舒城壽州鳳臺宿州舊虹阜陽亳州蒙城霍邱太和六安霍山建平

等十八州縣每石加收水腳銀貳叁分至伍陸分

制錢拾餘文至肆拾餘文不等江蘇省每石

徵收水腳錢伍文水次離倉遠者每石每十里加錢貳文為自倉挑剝上船之費

一江西省有漕州縣有縣省兩倉者每一口統徵

倉費銀肆釐止有縣倉者每石統徵銀貳釐

均以十分之三留為歲修之用所餘七分解

存道庫以備大修

江浙二省減漕輕齎

一 江蘇省蘇松糧道所屬減漕項下應扣輕齎
 銀肆萬貳百叁拾肆兩零浙江省減漕項下
 應扣輕齎席木等銀叁萬貳千肆百肆拾柒
 兩捌錢肆分肆釐另列專款徵解部庫交納

同治五年奏案
 同治加年各案

同治十三年校刊

戶部則例卷十九 漕運

三

輕賚帶解

一各省隨漕輕賚米折

於隨漕正耗之外餘耗米折銀兩正兌謂之輕

賚改兌為之易米折銀隨漕正耗另詳前條

每正兌米壹石山東

河南另徵輕賚米壹斗陸升江南徵輕賚米

貳斗陸升浙江江西兩湖徵輕賚米叁斗陸

升每改兌米壹石江南浙江江西徵米貳升

均每石折銀伍錢隨漕徵收兩湖無改兌米

山東河南二省及江南徐州府屬之銅山碭

山沛縣蕭縣豐縣等五縣改兌米並無易米

折銀

一各省隨漕板本按正兌米貳千石徵楞木壹

根長壹丈肆尺玖寸圍貳尺伍分松板玖片每片長陸尺伍寸闊壹尺叁寸

伍分厚伍寸伍分楞木每根折徵銀伍錢及伍錢伍

分不等松板每片折徵銀肆錢及肆錢伍分

不等隨漕解通濟庫交收俟需用本色時倉

場計算請

旨辦運

山東河南二省及江北廬州鳳陽穎州淮安揚州徐州六府六安亳州泗州海州通州五州屬正兌米石均不徵楞木松板

一糧船帶解毛竹除山東河南二省外凡有漕省分每船

帶解大毛竹壹根中毛竹叁根解交各倉成

造氣筒其採辦價銀江西省於道庫裁兵米

折餘剩項下動支湖北省在南糧拆兌節省

水脚銀內動支其餘各省俱在減存銀內動

支各省糧道將所帶毛竹驗明是否合式造

冊咨送坐糧廳坐糧廳先期移倉按照冊開

長徑丈尺查收糧竣彙冊咨送查核

一毛竹價值江南省蘇州松江常州鎮江太倉

州五府州屬大毛竹長貳丈壹貳尺圍圓壹尺壹貳寸每枝價銀貳錢肆分中毛竹長壹丈壹貳尺圍圓陸柒寸每枝價銀壹錢貳分鎮江府屬丹徒縣毛竹長貳丈叁肆尺圍圓壹尺壹寸每枝價銀壹錢安慶府屬懷寧桐城等縣毛竹長貳丈圍圓壹尺貳叁寸每枝價銀叁分伍釐至伍分不等寧國府屬南陵等縣毛竹長壹丈貳尺至貳丈圍圓壹尺至壹尺捌寸不等每枝價銀叁分叁釐至壹錢陸分不等池州府屬貴池銅陵石埭建德東流五縣毛竹長壹丈至貳丈不等圍圓捌寸至壹尺伍寸每枝價銀肆分至壹錢伍分不等青陽縣毛竹長壹丈陸尺圍圓壹尺每枝重叁拾叁觔伍兩每百觔價銀壹錢陸分太平府屬當塗蕪湖繁昌三縣毛竹長壹丈叁尺至壹丈伍尺圍圓壹尺每枝價銀陸分至壹錢不等廣德州毛竹長壹丈柒尺至壹丈玖尺圍圓柒寸至壹尺每枝價銀貳分至叁

分不等淮安府屬毛竹長壹丈陸尺圍圓壹尺每枝價銀壹錢伍分泗州盱眙天長五河等州縣毛竹長壹丈貳尺至叁丈伍尺圍圓肆寸至壹尺貳寸不等每枝價銀捌分至壹錢陸分不等江甯府及海州通州等處向無定價照時價值報 江西省大毛竹中徑伍寸長貳丈每枝價銀陸分中毛竹中徑貳寸長壹丈貳尺每枝價銀伍分 浙江省大毛

竹杭州嘉興二府屬長貳丈徑肆寸杭州府

屬之新城縣徑叁寸伍分湖州府屬徑肆寸

柒分中毛竹杭州嘉興二府屬長貳丈貳尺

中徑叁寸肆分杭州府屬之新城縣徑叁寸

湖州府屬長貳丈徑肆寸小毛竹俱長壹丈

捌尺徑叁寸惟新城縣徑貳寸伍分每枝價

銀新城縣大毛竹柒分中毛竹陸分小毛竹

伍分安吉武康二縣大毛竹玖分中毛竹柒

分小毛竹伍分嘉興府屬嘉興秀水嘉善海

鹽平湖石門桐鄉湖州府屬歸安烏程長興

德清等縣大毛竹玖分陸釐中毛竹柒分伍

釐小毛竹伍分叁釐富陽縣大毛竹壹錢伍

釐中毛竹柒分小毛竹肆分叁釐柒毫零仁

和錢塘海寧昌化等州縣大毛竹壹錢貳分

中毛竹捌分小毛竹伍分臨安縣大毛竹壹

錢叁分中毛竹玖分小毛竹伍分伍釐於潛

縣大毛竹壹錢叁分中毛竹壹錢小毛竹捌

分餘杭縣大毛竹壹錢叁分伍釐中毛竹捌

分玖釐小毛竹伍分陸釐 湖北湖南二省

大毛竹長貳丈中徑伍寸中毛竹長壹丈貳

尺中徑貳寸湖南省大毛竹每枝價銀玖分

中毛竹每枝價銀陸分湖北省大毛竹每枝

價銀壹錢中毛竹每枝價銀捌分

一各省漕糧帶徵席片隨糧解交以為各倉鋪

墊苫蓋之用山東河南二省每正米貳石派

徵斜席壹領 長陸尺肆寸 闊貳尺陸寸 江南浙江江西湖

廣四省每正米貳石派徵方席壹領 長肆尺 闊肆尺 以茶席貳領抵交斜席方席壹領凡應

同治三年校刊

戶部具例卷十九

漕運

交席片作十分算以壹分柒釐徵收本色起
 運以捌分叁釐徵收折色附解每領折銀壹
 分至壹分有奇細數詳見漕運全書應交本色山東及
 江南江安糧道所屬俱照徵本色給丁解交
 河南照折徵定價於節省耗羨銀內動支給
 軍辦交浙江江西湖廣及江南蘇松糧道所
 屬俱徵銀給丁辦實交納

監兌漕糧

一各省監兌漕糧同知通判等官於漕糧開倉
 收兌時上司衙門不得以別項公事差委令
 其親身坐守水次專理漕務將正耗行月搭
 運等米逐船兌足到淮聽總漕盤驗儻有糧
 數不足米色不純總漕盤驗察出即將監兌
 官題叅

一山東省濟南府通判武定府同知兗州府通
 判東昌府清軍同知泰安府通判曹州府桃

源同知俱監兌本府漕糧

一濟甯直隸州州同監兌金鄉嘉祥魚臺三縣

漕糧臨清直隸州州同監兌夏津邱縣武城

等三縣漕糧

一河南省歸德府通判監兌開封歸德二府漕

糧衛輝府通判監兌彰德衛輝二府漕糧懷

慶府通判監兌河南懷慶二府漕糧

一江南省江甯府管糧同知常州府管糧通判

鎮江府糧捕通判安慶府管糧通判甯國府

管糧通判池州府管糧通判太平府管糧通

判廬州府管糧通判鳳陽府同知淮安府軍

捕通判徐州府糧捕通判俱監兌本府漕糧

揚州府軍捕同知監兌本府及通州屬漕糧

蘇州府督糧同知管糧通判松江府董漕同

知糧捕通判每年令一員監兌漕糧一員押

運白糧輪流遞管

一太倉州并所屬漕糧每年臨時添委丞倅一

員專司監兌

一浙江省杭州府局糧通判監兌本府漕糧並
嘉興府石門縣漕糧嘉興府通判監兌本府
漕白二糧湖州府同知監兌本府漕白二糧
興安吉縣漕糧

一江西省南昌府通判吉安府通判分理監兌
南昌瑞州臨江吉安廣信建昌撫州南康等
八府漕糧臨江府通判監兌饒州府漕糧

一湖北湖南二省漕糧每年兌運時該二省糧
道於通省同知通判內各詳委三員監兌

一漕糧未兌以前責在州縣既兌以後責在弁
丁交兌時糧道臨倉親驗米不乾潔責令州
縣風篩乾潔無虧監兌官秉公查驗兌竣運
弁卽將通關文結給該州縣轉送該管衙門
查覈儻遇州縣衙弁以米色爭持者卽將驗
過米樣眼同封固各用印截馳送總漕并委
查之道員親往比驗果有潮溼攪雜監兌官
徇私袒庇一併暹揭請叅如係弁丁捏報卽
押令受兌出結仍將弁丁分別懲處受兌開

行以後盤驗有潮溼霉變攙雜者即將押運領運官弁叅處米石立限賠補不得再調州縣至淮易換

一各省漕糧督飭州縣徵收乾圓潔淨之米如偶遇雨水失調之年務須竭力曬晾乾潔交兌上船取具監兌各官印加各結送部至兌運上船以後司漕各官責令旗丁按倉查看隨時風晾以免潮溼

一新漕開兌責成糧道臨倉親驗並委各屬總運廳員逐廠察看驗定米色幫丁不得混挑

妄稟

派兌輪兌

一幫船兌運漕糧先儘本地衛所就近派兌
船不足數再於隔屬派撥兌運

今按嘉慶二十五年派兌

幫次
開載

一山東德州衛正幫船兌運德州禹城陽信齊

東鄒平長山六州縣漕糧 臨清衛山東前

幫船兌運夏津武城館陶臨清利津蒲臺六

州縣漕糧 臨清衛山東後幫船兌運章邱

青城新城平原齊東臨清六州縣漕糧 濟

甯衛前幫船兌運歷城冠縣高唐平陰肥城
 東阿陽穀莘縣城武金鄉單縣嘉祥鉅野魚
 臺滕縣嶧縣一十六州縣漕糧 濟甯衛後
 幫船兌運邱縣冠縣長清萊蕪濟甯荷澤曹
 縣定陶滋陽曲阜甯陽鄒縣泗水高唐清平
 一十五州縣漕糧 濟甯衛左幫船兌運歷
 城章邱鄒平齊河商河恩縣德平臨邑惠民
 九縣漕糧 濟甯衛右幫船兌運長清邱縣
 平原商河蒲臺歷城陵縣樂陵八縣漕糧

一東昌衛幫船兌運長清濟陽利津聊城堂邑
 博平在平七縣漕糧 濮州所幫船兌運青
 城濱州淄川鄆城壽張濮州范縣觀城朝城
 九州縣漕糧 東平所幫船兌運陵縣陽信
 長山泰安萊蕪汶上東平冠縣八州縣漕糧
 一河南向無衛所派撥直隸山東江南幫船協
 運直隸通州所幫船兌運安陽武安林縣涉
 縣陳留通許杞縣祥符溫縣鞏縣睢州河內
 濬縣考城一十四州縣漕糧 天津所幫船

兌運安陽涉縣孟縣商邱寧陵濬縣六縣漕糧 山東德州衛左幫船兌運修武武陟林

縣內黃滑縣五縣漕糧 任城衛幫船兌運

內黃湯陰洛陽鞏縣偃師孟津修武商邱輝

縣滑縣淇縣延津陳留鄭州滎陽滎澤濟源

武陟一十八州縣漕糧 平山衛前幫船兌

運陽武太康中牟杞縣洧川蘭陽臨漳原武

濟源長葛禹州密縣新鄭鄭州滎陽滎澤汜

水十七州縣漕糧 平山衛後幫船兌運湯

陰臨漳睢州杞縣尉氏許州孟縣七州縣漕

糧 臨清衛河南前幫船兌運濟源河內孟

縣温縣修武五縣漕糧 臨清衛河南後幫

船兌運通許祥符封邱陳留原武汲縣新鄉

獲嘉淇縣許州武安涉縣濬縣滑縣扶溝杞

縣洧川鄆陵中牟濟源武陟長葛二十二州

縣漕糧 江南江安糧道屬徐州衛河南前

幫船兌運輝縣太康湯陰河內商邱濬縣杞

縣陽武尉氏通許祥符考城禹州十三州縣

同治十三年校刊

五部制例卷十九 漕運

三七

漕糧 徐州衛河南後幫船兌運河內登封
武陟睢州新鄉安陽臨漳汲縣鞏縣孟津滑
縣汜水獲嘉陽武十四州縣漕糧

一運送薊州易州等處漕米應派何省撥運由
倉場侍郎酌定於每年二月內預為挨幫輪
派咨明總漕并先行出示曉諭如遇山東省
幫船派運易州粟米年分卽以該省德王濟
左濟右臨東後臨東前五幫及東昌濮州東
平三幫作為一幫共成六幫輪流撥運以均
勞逸倘遇災緩年分應派之幫粟米不敷撥
運隨時詳明改派下年補運

一江南省江安糧道所屬江淮衛九幫船與武
衛二幫船遞年輪兌上元江寧句容六合四

縣漕糧 如遇輪兌之年糧多船少所缺船隻
在於二幫額船內互相撥補卽歸所
補之幫
弁經管興武衛九幫船兌運上元江寧江浦

三縣漕糧 安慶衛前幫船兌運懷甯桐城
潛山三縣漕糧 後幫船兌運太湖宿松望

江三縣漕糧 新安衛池州幫船兌運青陽

銅陵貴池建德四縣漕糧 宣州衛幫船兌

運涇縣宣城甯國旌德太平南陵建平七縣

漕糧 建陽衛甯太幫船兌運當塗蕪湖繁

昌廣德宣城南陵貴池東流八州縣漕糧

廬州衛頭幫船兌運無為合肥舒城廬江巢

縣五州縣漕糧 長淮衛原宿州頭幫船兌

運宿州靈璧五河盱眙泗州併管之原虹五

州縣漕糧 二幫船兌運亳州蒙城懷遠太

和阜陽壽州定遠穎上霍邱鳳臺六安英山

霍山一十三州縣漕糧 淮安衛三幫船兌

運清河宿遷睢甯桃源邳州贛榆六州縣漕

糧 大河衛前幫船兌運山陽鹽城阜寧沐

陽泰州五州縣漕糧 揚州衛二幫船兌運

高郵寶應江都甘泉儀徵泰興興化天長八

州縣漕糧 三幫船兌運泰州興化江都甘

泉如臯五州縣漕糧 徐州衛江北幫船兌

運銅山沛縣蕭縣豐縣碭山五縣漕糧 長

淮衛三幫四幫船淮安衛頭幫二幫船泗州

同治十三年校刊

戶部則例卷十九 漕運

衛前幫後幫船內二幫輪兌山陽鹽城阜甯
高郵海州沐陽銅山蕭縣豐縣碭山十州縣
漕糧其餘各幫每年協運蘇松各屬漕糧

江淮衛三幫六幫船兌運溧陽縣漕糧 鎮

江衛前幫後幫船分兌丹徒丹陽金壇三縣

漕糧多餘船隻我撥常州府屬米石 蘇州

府松江府常州府白糧幫抽運船隻均兌運

各屬白糧 其餘蘇松常太等三十六幫船

自道光三年掣定水次挨次輪流受兌 蘇

州太倉二府州屬二十一幫掣定十六整幫

內 鎮海衛後幫船太倉衛前幫船掣長洲

縣 淮安衛二幫船滁州衛蘇州幫船掣元

和縣 興武衛五幫船掣吳縣 儀徵幫船

蘇州衛前幫船掣吳江縣 淮安衛頭幫船

太河衛二幫船掣震澤縣 江淮衛頭幫船

揚州衛頭幫船掣常熟縣 廬州衛三幫船

掣昭文縣 江淮衛二幫船掣崑山縣 江

淮衛四幫船掣新陽縣 太倉衛後幫船掣

太倉州 大河衛三幫船掣鎮洋縣 廬州

衛二幫鎮海衛前幫與武衛六幫淮安衛四

幫蘇州衛後幫共五幫船撥兌嘉定寶山二

縣並我撥各該州縣漕糧 松江府屬八幫

掣定七整幫內 江淮衛八幫船掣華亭縣

興武衛三幫船掣奉賢縣 金山幫船掣

婁縣 江淮衛七幫船掣金山縣 興武衛

八幫船掣上海縣 江淮衛五幫船掣南匯

縣 興武衛七幫船掣青浦縣 興武衛四

幫船撥兌川沙廳並我撥各縣漕糧 常州

府屬七幫掣定七整幫 興武衛頭幫船掣

武進縣 鳳中衛常州幫船掣陽湖縣 泗

州衛前幫船掣無錫縣 鳳陽衛常州幫船

掣金匱縣 長淮衛頭幫船掣江陰縣 鳳

中衛二幫船掣宜興縣 長淮衛四幫船掣

荆溪縣 以上各幫自掣定水次之後每屆

三年毋庸再掣即將上次掣定各幫挨次輪

流受兌並指明何年何幫應兌何縣漕糧造

同治十三年校刊

戶部則例卷十九

漕運

四三

冊咨部備查先儘整幫整縣勻兌其有糧多
船少船多糧少之處將上屆找補之散幫下
屆卽併爲整幫儘先受兌上屆在後之整幫
下屆卽作爲散幫分撥找補按屬勻撥毋得
躉越

一江西撫州所饒州所兩幫船均兌運饒州府
等屬漕糧 又都昌縣漕糧派尾幫兌運卽
令截留滄州兵米其餘各幫道光二十六年
掣拈各廳縣倉 南昌衛前幫船兌萬安新

城南昌清江安義五縣 南昌衛後幫兌南

城安仁豐城高安建昌五縣 袁州衛袁州

幫兌蓮花新喻新建金谿廬陵永新一廳五

縣 贛州衛贛州幫兌興安貴溪龍泉南昌

新淦高安進賢七縣 九江衛前幫兌義寧

崇仁東鄉進賢奉新一州四縣 九江衛後

幫兌贛縣南昌新淦吉水玉山上高六縣

吉安所幫兌弋陽豐城南豐餘干臨川新昌

六縣 永建所幫兌瀘溪安福泰和廬陵廣

豐奉新六縣 安福所幫兌新喻新建永豐
泰和等四縣 廣信所幫兌鉛山峽江豐城
餘干吉水臨川六縣 鉛山幫兌上饒武甯
崇仁靖安廬陵新昌六縣 計江西省漕船
共十三幫除饒州撫州兩幫便兌饒州府等
屬漕糧都昌縣派尾幫兌運滄州兵米外其
餘南昌衛前後等十一幫漕船遵照原定籤
掣應兌州縣三年一屆由後推前挨次輪推
毋稍攙越其米多船少之幫不敷裝運所有
裝餘之米准以次幫之船找兌如次幫船米
數適相當則以再次之幫找兌若再次之幫
仍無餘船可裝按次向後再推推至船多米
少之幫找兌仍由糧道將何幫餘米應派何
幫找兌於派撥幫倉冊內明晰聲敘

一江西省南昌衛前後等十一幫掣拈廳縣倉
漕糧遇有蠲緩卽在本幫減派不得以極疲
船隻減歇並革除疲船名目每屆兌運之先
糧道預將幫船應兌應帶漕糧並別幫裝運

撥歸本幫米石各就各幫覈計應兌聽縣厥
口米數均勻配搭按照船數配籤若干該幫
如有蠲緩卽按應減船數配入空籤若干統
由糧道傳集弁丁眼同籤掣該丁掣得空籤
卽令減歇掣得何廳何縣何廠卽令按照受
兌無論頭船腰船尾船統隨衆丁一體籤掣
均不得假門丁書吏及伍長等之手仍令漕
運總督飭造詳細清冊咨部查覈

一浙江杭嚴衛頭幫船兌運仁和錢塘二縣漕

糧 一幫船兌運錢塘仁和海寧餘杭新城

昌化於潛臨安八州縣漕糧 二幫船兌運

秀水嘉善二縣漕糧 四幫船兌運富陽石

門海甯三州縣漕糧 甯波衛前幫船兌運

嘉興縣漕糧 後幫船兌運秀水嘉興二縣

漕糧 紹興衛前幫船兌運嘉善縣漕糧

後幫船兌運平湖嘉善二縣漕糧 台州衛

前幫船兌運長興烏程德清三縣漕糧 後

幫船兌運歸安烏程二縣漕糧 温州衛前

戶部具後卷十九 漕糧 三六

幫船兌運長興烏程二縣漕糧 後幫船兌

運德清烏程二縣漕糧 處州衛前幫船兌

運桐鄉石門二縣漕糧 後幫船兌運安吉

武康德清三縣漕糧 海甯所幫船兌運海

寧州漕糧 嘉興衛幫船兌運嘉興秀水

湖海鹽四縣漕糧 湖州所幫船兌運歸安

縣漕糧 金衢所幫船兌運長興歸安二縣

漕糧 嚴州府幫船兌運海鹽平湖石門三

縣漕糧 嘉興府白糧幫船兌運嘉興秀水

嘉善海鹽平湖石門桐鄉七縣漕白糧 湖

州府白糧幫船兌運歸安烏程長興德清武

康五縣漕白糧

一湖北武昌衛武昌左衛黃州衛蘄州衛襄陽

衛德安所六衛所分爲三幫頭幫船兌運江

夏咸寧通城嘉魚蒲圻崇陽通山漢陽黃陂

孝感當陽安陸雲夢荆門應城隨州應山黃

岡一十八州縣漕糧 一幫船兌運江夏武

昌通山漢陽沔陽當陽荆門天門蘄水大冶

同治十三年校刊

三都司列卷十九漕運

四

羅田潛江江陵一十三州縣漕糧 三幫船

兌運江夏通山大冶漢陽沔陽蘄州當陽荆

門江陵監利興國松滋公安廣濟石首黃梅

一十六州縣漕糧

一湖南沔陽衛荊州衛荊州左衛荊州右衛岳

州衛五衛分為三幫頭幫船兌運長沙湘陰

醴陵寧鄉茶陵湘鄉常寧華容澧州安福十

州縣漕糧 一幫船兌運善化攸縣瀏陽益

陽陵湘巴陵衡山七縣漕糧 三幫船兌運

湘潭衡陽來陽安仁平江清泉六縣漕糧

一山東省起運新漕除額設軍船外不敷船隻

赴天津雇備官撥裝運如遇有河南省漕糧

停運即將空出軍船就近撥用毋庸再赴天

津雇備以歸省便

一山東省每年撥運保定雄縣兵米陸千肆百

餘石於閘內各幫漕船內撥出船十二隻

前後兩幫船各四隻東昌幫船 專裝運赴北

倉交卸其原裝米豆分灑通幫帶運

同治十三年

戶部則例卷十九 漕運

四十一

一撥運保定雄縣兵米之閘內濟甯等五幫遇有災緩截留漕糧出運船隻較少之年按照閘內閘外各幫起運船數一體酌撥共撥出船十二隻專裝兵米其原裝麥豆分灑各幫帶運抵通免致負重

一撥運保定雄縣兵米之船行抵北倉交卸事宜閘內各幫於濟甯等五幫千總內遴委一員辦理外河船隻卽令總運廳員督辦

一河南省每年額運白麥壹萬石需船二十隻在於平山前後臨清前後徐州前後等六幫挨次遞年專幫輪運

一河南山東二省支贖行糧並山東扣存宿州二幫行糧米石於各本幫每船加裝貳拾陸石分灑運通再有多餘准其雇船專運

一江蘇省白糧幫船在於通省漕船內揀選丁殷船固歷年無欠之艘三年一次掣換更替責令該糧道每年未經兌糧之先親赴水次查驗如有丁疲船朽卽行另選殷固丁船補

運取具印甘各結送部存查

一興化所十一船通州所十一船鹽城所六船

兌運東臺縣漕糧並灑帶以鳳還漕米石

一浙江省白糧幫船均令長運永免抽調

奉天米豆

盛京戶部委員經徵運通黑豆柒千貳百石

內改徵粟

米貳千伍百壹拾玖石玖斗伍升貳合肆勺仍徵黑豆肆千陸百捌拾石肆升柒合陸勺

錦州府所屬經徵運通黑豆叁萬壹千伍百

肆拾捌石肆斗伍升玖合柒勺

內改徵粟米壹萬叁千貳

百肆拾叁石玖斗伍升肆合玖勺壹抄仍徵黑豆壹萬捌千叁百肆石伍斗肆合柒勺玖抄

按年運通交納所需船隻由天津雇覓無

論頭運二運統限四月以內到奉天海口乘

時趕運如有遲延卽由奉天咨明直隸總督將怠玩船戶嚴拏究辦並將承辦各員查叅
一直隸省每年領運奉天米豆由奉天先期知照直隸雇船若干於文到日限一箇月雇齊
派委員弁督押限一月內齊抵奉天口岸取具回文由陸路回省銷差咨部查覈計空船駛抵奉天總在四月間如雇船遲延將承雇之員叅處儻在途無故逗遛將督押之員弁及船戶分別叅究其船抵奉天限一月內兌

竣將兌竣日期報部由奉天省委員押運限一月內齊抵天津海口計重船駛抵天津總在六月間如船抵奉天地方官不及時開兌或委員任意耽延將該省印委各員分別叅處若開行後在洋逗遛將押運委員詳叅其船抵天津限兩個月插檔撥運全數赴通交納儻遲至南糧收竣尙未完交由倉場查明將遲悞之員指叅並將督催不力之該管官查議如有短少霉變各情弊將各該員分別

議處勒賠

<p>議處勒賠</p>	<p>議處勒賠</p>	<p>議處勒賠</p>	<p>議處勒賠</p>	<p>議處勒賠</p>	<p>議處勒賠</p>	<p>議處勒賠</p>	<p>議處勒賠</p>
-------------	-------------	-------------	-------------	-------------	-------------	-------------	-------------

